

Headlines

1. उपराज्यपाल मनोज सिन्हा होरें प्रशासनिक मशीनरी गी गलाया ऐ जे ओ समें दे कन्नै अपने-आप गी बदलन ते प्रशासन गी पूरी चाल्ली नागरिक केन्द्रित बनाना।
2. हुन बाहरी लोकें आहली मानसिकता छोड़ने दा समां आई गेआ ऐ। प्रदेश गी तेजिया कन्नै विकास बक्खी लेई जाने आस्तै स्टार्ट-अप पर ध्यान दिता जाना लोड़चदा- आक्खेआ एल.जी होरें।
3. भारत नै बंदिश-शुदा आतंकी संगठन पर पाकिस्तान दे रुख गी खारिज करी दिता।
4. अज्ज समूलचे जम्मू संभाग च रामनौमी मनाई जा”रदी ऐ मंदरे च भगते दी मती भीड़।
5. मौसम विभाग नै अज्ज प्रदेश च इक्क बारी परतियै बरखा दे दौर दी पेशनगोई कीती ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

LG Administration

उपराज्यपाल मनोज सिन्हा होरें आखेआ ऐ जे प्रशासनिक मशीनरी गी बी समें कन्नै विकसित होना लोड़चदा ते इसी पूरी चाल्ली नागरिक केन्द्रित बनाना चाइदा ऐ। कल Indian Society For Training and Development ध्याऽ दे उदघाटन मौके बोलदे होई श्री सिन्हा होरें इस गल्ला पर जोर पाया जे प्रशासन कुसै बी राष्ट्र दी रीढ़ हुंदा ऐ ते अजे दा माहनु ओदे कोला पारदर्शिता- जवाबदेही ते बेहतर कम्म दी आस करदा ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

LG- Start Up

प्रदेश दे उपराज्यपाल मनोज सिन्हा होरें कल सब्बै सरबंधित धड़े गी हुक्म जारी करदे होई गलाया जे ओ आपसी सहयोग ते तालमेल गी पहल दिंदे होई इस चाल्ली दा माहौल तयार करन- जेदे कन्नै जम्मू-कश्मीर तेजिया नै विकास बक्खी अगड़ा बढी सकै। कल जम्मू च ISTD दे जम्मू ध्याय दे उदघाटन समारोह गी सम्बोधित करदे होई श्री सिन्हा होरें गलाया जे अजै दियां चुनौतियां सखल्ली नैई न ते उन्दा हल छड़ा सांझियै कोश्टें कन्नै गै मुमकन ऐ। उंनै आखेआ जे असें'गी बाहरले लोकें आहली मानसिकता थमां बाहर निकलने दी लोड़ ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## Modi Global Popularity

अमरीकी डाटा एनालिटिक्स फर्म Morning Consult आसेया कीते गेदे ताजा वैश्विक सर्वेक्षण च प्रधानमंत्री नरेन्द्र मोदी होरें गी इक बारी फही दुनिया दे सारे शा लोकप्रिय नेता दा दर्जा हासल होआ ऐ। 2 थमां 8 मार्च बश्कार कीते गेदे इस सर्वेक्षण च दस्सेआ गेआ ऐ जे प्रधानमंत्री मोदी होरें वैश्विक नेताएं च मती महत्व आहली बढत बनाई रक्खी दी ऐ। प्रधानमंत्री मोदी होर 68 फीसदी रेटिंग कन्नै सबनें थमां अगगे न- जदकि Switzerland दे राष्ट्रपति Guy Permielin ते दक्खन कोरिया दे राष्ट्रपति Lee Jae Myung होर दौनें 62 फीसदी रेटिंग कन्नै दुए थाहर उप्पर ना।

अमरीकी राष्ट्रपति डोनाल्ड ट्रम्प हुंदी 39 फीसदी रेटिंग दर्ज कीती गई ऐ ते ओह पैहले 10 च शामिल नेंई ऐन।



## CS –Tawi Lake

मुख सचिव अटल डुल्लु होरें कल जम्मू च तवी मसनूई झील ते रिवरफ्रंट विकास परियोजना दे कम्में च होआ रदी तरक्की दा जायजा लैता। अधिकारिक जानकारी मुजब मुख सचिव होरें इक उच्ची सतह आहली बैठक च पिच्छले बरे आए दे हाड कन्नै होए दे नुक्सान कारण बहली दे कम्में दी बी समीक्षा कीती। उ'नें सब्बनें सरबंधत मैहकमें गी निर्देश दिते जे ओ एहू यकीनी बनान जे एहू शैहरी सौंदर्यीकरण परियोजना तौले शा तौले लोकें लेई समर्पित कीती जा ते उत्थे सब्बनें जरूरी सहूलतें दी बी बवस्था कीती जा। इस बैठक च दस्सेआ गेआ ऐ जे बड्डी तवी च 11 ते निक्की तवी च 20 गेट सनें सारे 31 गेटें गी लाया गेदा ऐ- जिंदे च Hydro Mechanical कम्म पूरा होने दे कोल कच्छ ऐ। एदे इलावा सज्जे डंगें पर Four लेन आहली सिड्कें दा निर्माण कम्म लगातार जारी ऐ।



## Agni Veer Reservation

केन्द्री गृहमंत्री अमित शाह होरें सब्बै राज्यें सरकारें गी चिट्ठी लिखियै अग्नीवीरें लेई नौकरियें च 20 प्रतिशत आरक्षण लागू करने लेई आखेआ ऐ। इस पैहल दा मकसद इस गल्ला गी यकीनी बनाना ऐ जे भर्थी होए दे पैहले बैच दे जोआन 2027 च अपनी चंऊ बरे दा सेवा समें पूरा करने मगरा- सखल्ले गै परतियै बसी सकन। मंत्रालय नै जंगलात मैहकमें च गार्ड- खाने दे रक्षक-

सपाही अगग साहलने आहले अमले- घुडसवार पुलस- जेल वार्डन ते राज्य आपदा प्रतिक्रिया बल जनेह औहदें पर 20 प्रतिशत आरक्षण देने लेई आखेआ ऐ।

<><><><><><>

### MEA Pakistan

भारत नै पाकिस्तान आस्सेआ इक्क बंदिश आहले आतंकवादी संगठन ते ओदे मिम्बरें दे समर्थन च जारी इक्क ब्यान गी पूरी चाल्ली खारिज करी दिता ऐ। बंदिश शुदा आतंकवादी संगठन कन्नै जुडे दे न्यायिक मामलें पर पाकिस्तान आस्सेआ दिते गेदे ब्यानै दे सरबंध्यै च मीडिया दे सोआले दे परते च विदेश मंत्रालय दे प्रवक्ता रणधीर जायसवाल होरें जोर देइयै आखेआ जे भारत दे अंदरुनी मामलें चा ओदी न्यां आहली प्रक्रिया पर टिप्पणी करने दा पाकिस्तान गी कोई हक नैई ऐ। श्री जायसवाल होरें गलाया जे एदे च हैरानी आहली कोई गल्ल नैई ऐ जे इक्क ऐसा देस जेडा लम्मे चिरे सवां आतंकवाद गी समर्थन दिंदा आवा करदा ऐ- उन्नै हिंसा ते लोकें दी हत्या गी सेई ठहराहंदे होई इस चाल्ली दा ब्यान दिता ऐ। प्रवक्ता नै गलाया जे पाकिस्तान गी झूठ ते बेबुनियाद गल्लां फैलाने बजाय अपने देसै च होआ करदे संजीदा ते सुनियोजित मनुक्खी अधिकारें दी लोआंघना पर सोच-विचार करना लोडचदा ऐ। ध्यानजोग ऐ जे दिल्ली दी इक्क अदालतै आस्सेआ UAPA दे इक्क मामले च अलगाववादी आसिया अद्राबी गी उम्र कैद दी सजा सुनवाएं जाने मगरा पाकिस्तान मती डंड रौली पाई ही।

<><><><><><>

### CIK -Kashmir Raids

Counter Intelligence Kashmir (CIK) नै हाल च गै कीती गेदी आतंकवाद सरबंधी जांच दे सिलसिले च वीरवारें पूरी कश्मीर घाटी च बक्ख-बक्ख थाहरें पर छापेमारी कीती। सरकारी सूत्रे दस्सेआ ऐ जे इसलै श्रीनगर- शोपिया ते गांदरबल जिलें च तलाशी जारी ऐ। होर ब्योरें गी अजे बलगेया जा'रदा ऐ।

<><><><><><>

### Ramban Survey

रामबन दे ADC वरुणजीत सिंह चाढक होरें भारत सरकार दे संस्कृति मंत्रालय दी ज्ञान भारतम पैहल तैहत चलाए जा'रदे घर-घर जाइयै कीते जाने आहले राश्ट्री पांडुलिपि सर्वे आहले कम्में दी कल समीक्षा कीती। सर्वे करने आहलें कम्में गी खीरी शक्ल देने ते इसी मंजूरी देने दे

सरबंध्यै च व्यापक सोच-बचार कीता गेआ। बैठक च शामिल लोकें गी ज्ञान भारतम वेब पोर्टल दे कम्मं ते राश्ट्री पांडुलिपि सर्वे दे होर दुए महत्वै आहले हिस्सें बारे जानकारी दिती गई।

<><><><><><>

## Power Shut Down

JPDCL जम्मू दे बंड सरिस्ते दे चीफ इंजीनियर होरें जानकारी दिती ऐ जे पौनी- शिवखोड़ी- ददुआ- लेतर-भारख- रनसू- तलवारा ते इसदे कन्नै लग्गदे इलाकें च बिजली 27 मार्च बडुलै 9 बजे शा संजा 4 बजे तक्कर प्रभावित रौहगा। इसै चाल्ली चनैनी-कुद- डुडू- समरोली- सुधमहादेव- लाटी धूना- रामनगर-चौकी- मजौरी- बसंतगढ ते इसदे कन्नै लग्गदे इलाकें च बी बिजली 27 मार्च गी बडुलै साडु 10 बजे शा संजा साडु चार बजे तक्कर प्रभावत रौहगा। इयां गै 27 मार्च गी गै बडुलै 11 बजे शा संजा 4 बजे तक्कर गंदोह- चंगा- भटयास ते इसदे आले-दोआले आहले इलाकें च बी बिजली दी सप्लाई प्रभावत रौहगा।

<><><><><><>

## Ramnavmi

पूरे भारत सनें जम्मू-कश्मीर च बी मर्यादा पुरुशोत्तम भगवान राम जी दे जन्म उत्सव दा त्योहार “रामनवमी” बडे उत्साह कन्नै मनाया जा'रदा ऐ। चैत्र नराते दे समापन दा एह त्योहार धार्मिक आस्था ते सांस्कृतिक महत्व रखदा ऐ। राश्ट्रपति द्रोपदी मुरमू होरें पूरे देशवासियें गी “रामनवमी” दी शुभकामनां दितियां ना। राश्ट्रपति मुरमू होरें अपने इक सनेह च आखेआ जे भगवान राम जी दी जीवन यात्रा असेंगी सार्थक जीवन जीने लेई सच्चाई- न्याय ते सदगुण दे रस्ते पर चलने लेई सुत्थरी बत्त दस्सदी ऐ।

<><><><><><>

## Weather

मौसम मैहकमे नै अज्जै थमां जम्मू-कश्मीर च गीले मौसम दी पेशनगोई कीती ऐ। आम तौरा उप्पर 28 मार्च तक्कर हल्की बरखा ते बर्फबारी कन्नै बढ़ल छाए दे रौहने दी मेद ऐ। 29 थमां 31 मार्च तक्कर केई इलाकें च हल्की थमां दरमयानें दर्जे दी बरखा होने दी आशंका ऐ ते जिसलै केह उच्चियें थाहरें पर बर्फबारी होई सकदी ऐ।

<><><><><><>